

Angmaqtirinikkut Uqaqtakhait NHC-kut Nangipkahuni hivuanni Tikkuuqaqtauhimayut Senate Katimayiralaat talvuuna Nunaqqaqqaarhimayut Inuit – Qiqaiyalirvia23, 2016

Quana qaitquyigavit uqauiyumaplutit ukiuqtaqtumi iglukhailiurutinut ayukhautauvaktunik ublumi. Quviahuliqtunga talvuuna ihumagiyauyut iglukhanik tamaini nunaryuaptingni.

Nalunaittuq Nunavunmi ayukhautiqaqtut iglukhailiurnikkut, naunaikhimayuq ayukhaqpallakpaktut iglukhailiupiarinnikkut, amigaitpiaktutlu iglumiit atauhirmik inikhailiutut adjikutaittuq nunaryuami. Ublumi uqaqatigiyaqkit qanuriliurutikhaptingnik hapkuat ayukhautauvaktunut ihuaqhautikhanik, qanuriliurniaqita qanuqtutlu pidjutikhanik Inuit Nunavunmi iglukhaqarianginik adjikutunik allat inuit Kanatami.

Naunaitkutigilugit ayukhautigiyait Nunavunmi pidjutauyunik manikhanik igluqpaliurutikhanik niuvrutikhaniklu, aualdjutikhainutlu munaqhijutikhainutlu igluqpakhat Nunavunmi. Hunavaluit tamaita akituryuaktut Ukiuqtaqtumi, iglukhatlu avalingitut.

Naniyautigiplugu, akungani 1999 unalu 2009, naunaittuq igluqpangnut akiliqtuutainik Nunavut Kavamangat imatut ittuq 13.3% umani aviktuqhimayuni maniliukhimayait. Naunaitkutauyuq 13 angitqiyaupluni naunaikhimayunit tamainit aviktuqhimayunit aviktuqniinitlu imatut 0.7% - 1.2%

Nappaqirutainut iglukhat akikhainik Nunavunmi akiituqpiaktuq akituqpiatqiyauplunillu Hivuranitunit Kanatami. Imatut itut, nappaktirutat igluqpakhanik Nunavunmi akiqaqtuq pingahuiqtuqhugu akikhanik angitqiyayumik hamanga Angitqiyamit Toronto mi. Nunavunmi, akikhangit allatqiiktut nunani, naunaittuq akitutilanga atautip iglukhap akiqaqtuq imatut akungani \$400,000 unalu \$550,000.

NHC-kut ukiuni qanikkut havakpaktut akikhilarutikhanik, ilauyutlu allanguqtirutikhat kantraqaqtunut atuqtakhat, nappaktigiplutiklu atayunik igluqpangnik, kihimi, ihmagiplugit tamaita akikhanut hapkuat uhidjutaanut, nunaik tunngavikhaliurutit havaktauniiniklu, iglukhanik nappaktirutit, akitutqiyauhingarniaqtut Hivuranit.

Adjikivyaktuq, akia aulladjutainut munaqhijutikhainutlu inungnut igluqparnik akiituryuaktuqlu Hivurani Kanatami. Ukiuk tamaat aulladjutainut akiqaqpaqtut

atauhirmut igluqpangmut imatut aktigiyumik \$26,000, anginikhanik akiliqtuutauvaktuq iglup ikuumadjutinut akikhainut, aulladjutikhainutlu, imiqtautainut, pauwatuutainutlu.

Ayukhautauvaktuq ahiagut atuqtakhaittut Nunavut Kavamangat utiqtiffaarniaqqat akiinnik akiliqtuutigivaktamingnik. iglut akiliqtuutait maniliukhimayait hapkunanga inuit iglukhainnik igluqaqtunit Nunavunmi ikiklivaktut hapkunga aviktuqniata piqangidjutanit maniliurvikhainik havaakhaniklu inungnut. Ukiungani 2014-15 74.7% aktigiyumik inuit iglukhainnik igluqaqtut maniuliuqtut mikitqiyaniq \$23,000 atauhirmi ukiumi. Tamaita inuit iglukhainnik igluqaqtut iglumik akiliqhiyut ihuaqhaqtauvangmat akiliuhiaqtainut, amigaitqiyat igluqaqtut akiliqhivaktut mikinikharmik \$60/tatqiqhiunmi.

Akhuurutigiyakhat Nunavunmi iglukhailiurutat ihuaqhalimaitat Nunavut Kavamangata inmikkuinaq hanaqilimaitat. Ikayuqtauhimaahtukhauyugut Kanatap kavamnaginit tamagingnut nutaat iglukhat iatutlu angitqiyaniq ikayuutikhanik ihuaqhautikhanut auladjutainut akiliqtukhanut.

Tadja qauyimalirunakhiyuhik mikhivalliyuq Inungnut Iglukhainik Angirutanut manikhat. Aktuutanik haffuma mikhivallianiata mihigimayauliqtuq Kavamanganit Nunavut, angiglivalliavaliramikik maniit auladjutikhainut inuit iglugiyainut iglugiyainut. Umanga ukiunganit maniit, Inungnut Iglukhainik Angirutanut (SHA) manikhat mikhuyuimiktut imatut aktigiyumik \$10.576 millian talamik.

Aktuutanik haffuma mikhivallianiata Inungnut Iglukhainik Angirutanut (SHA) manikhat angitqiyautivaqtuq malrunnik aqtuqtut pidjutivalikhuni ikikliyariqtunut Kavamangat Nunavut manikhainit. Tamninaugituq Kavamangat Nunavut ihuaqhaiyariaqqtut mikhivalliyunik Inungnut Iglukhainik Angirutanut (SHA) manikhat, kihimik iglukhat amigaigyumikpata nutaat iglukhat hanayaayunik, tamainut akiliqtuutikhait munaqhidjutikhainut hapkuat iglukhat angiglivallianiaqtuqlu. Tadja, Kavamangat Nunavut ikayuutikhat inungnut iglukhanik aktilanganik imatut 9% nganik atauttimut O&M Manikhat imatut aktigiyuq \$1.5 billian, kihimik ihuaqharahuaqtitlutigik 3,000 iglukhailiurutit nutaanik nappaktiriluta, ihumayugut akiliqtuutait munaqhidjutikhanginik inuit iglugiyainut igluqparnut angigliniaqtuq imatut 16% umani GN-kut atauttimut manikhat.

Nutaanik iglukhanik nappaktirutat, maruuyuk atuqtauvaktuk akituyunut manikhat tuniyauvaktut Nunavunmut. Hivuliqpaak talvuuna 2014 mit 2019 mut

Maniliurutikhanik Akikitut Iglukhat Angirutanut, piqaqtukhaq imatut 100% akikhanik adjikutaqaqtukhaq Kavamanganit Nunavut tunihilutiklu atauttimut imatut \$7.33 millian, uvaluunniit \$1.465 millian atauhirmi ukiumi kanatap kavamainit manikhamik ihuaqhautikhanik Nunavuttip ihariahutanik nutaanik inuingnut igluliurutikhanik.

Havaqatigiiktukhat hivituyumut umani angirunmi ikayuutauniaqtut, pidjutikhanik kihimik uqarikhimayut inuqarniat naunaiyautauvaktuq nunallaatigun. Hapkuat naunaiyautikhat ikayuutauniaqtugaluit hivurani nunani, ihuangittuq kihimi idjuhiinut Nunavunmi. Pidjutaavaktut ihuitunik aktilanginut, ihuidjutauplutiklu Maniliurutikhanik Akikitut Iglukhat maniit mikinianut. Katitauhimagumik kihiani allaniklu Kavamangat Nunavut ikayuqtaudjutikhat akituyunut maniit, hamna hannivaiviuniit atuqtaulimaittuq hanadjutauluni nutaanik iglukhanik ihuaqhautikhanik iglukhailiurnikkut. Taavunga, Maniliurutikhanik Akikitut Iglukhat naunaitkutauyut aittutauhimayunut manikhat kavamatuqatkut kavamainit, atuqtauvaktut angigidjutikhanik tadjat atuqtauyunut Kavamangat Nunavut akituyunut manikhat nutaanik hanadjutauvaktut iglukhanik.

Tuklianik atuqtauvaktuq akituyunut manikhat tuniyauvaktuq Nunavunmut kavamatuqatkut kavamainit taimatut atauhirmik angiyumik atauhiahugu akituyunut manikhat injections. Uuktuutikhanut hapkuat ilauyut Nunavunmi Igluliyiyigyuatkut Maniqautingit, Kanatami Maniliurahuarnirmik Upallungaiyautighanut Pangnautit, qanikkutlu, 2013 mi, una \$100 Millian Maniliurahuarnirmik Upallungaiyautighanut Pangnautit manikhat.

Imaittut akituyunut manikhat quyagiyauvaktut, ihuaqqutauvangmata takunnakhutiklu ikayuutikhainik angiyunik hanivvaihimayunik piqaqtukhaungmata Nunavunmi iglukhailiurutauyunut. Kihimi, nallunakhivaktut hapkuat hanivaiviunit pidjutaavakhutik angiyunik ayuqhautauyunik.

Uuktuutigilugu, qakurungurangat hanivaiviunit ihuitkutauliqpakltut pinahuaqtainut NHC-kut, Kavamangat Nunavut hamlatkutlu upalungaiyainahuaqpaktut hivunikhamut atuqtauyukhanik ihuaqtunik nanamun maligakhanik upalungaiyautikhaniklu nunani auladjutikhainut ihariagiyauyunikihuaqtunik nunat hivulliutiyumayainut. Nalunarniat manikhat ihuidjutauiqpaktuq pittarutainut Kavamangat Nunavut pidjutikhanik allanik maniliurutikhanik uuktuutikhantigut hivitutqiyunik uuktuutikhaqatunut, imaitut ilihakhimmagvikhamik havagluni iliharvikhaniklu. Naunaiyautikhallamut upalungaiyautikhaliurutikhanik, GN-kuinnaungitunut, kihimiklu Hamlatkunut allanutlu tigumiaqtiuyunut nunani

auladjutikhainik. Hamnalu ihuidjutaувактut аватикханут nunaminingni kantraqaqpaktunut kinguvaktitpakhugitlu aularaanginnaqtukkut atuqtakhainik maniliurutikhainik pivalliadjutikhainik nunallaani.

Kihianik, aktuutauniit qakugungurangat hanivaiviuyut hivikitpaktut, ihuaqhtilimaitut hivituyumut aktuutaууnuk imatut inuuriakhivallianiinut. 2004 mi, NHC-kut havaqatigiyaait NTI-kut hanaqiplutik 10 Ukiuni Inuit Year Inuit Iglukhainik Upallungaiyautighanut Pangnautit, piyumayunut nappaktirilutik 3000 iglukhanik ayukhautauqpiaktunut ihuaqhautikhainik inikhailiuqtunutlu amigaitpiaktut iglumiuqatigiiktut. 2016 mi, amigaitqiyaniк аватqutitlugit 10 ukiut angitqiyaniкlu \$500 millian talamik hanivaivigiyaait nutaanik nappaktiridjutikhainik, uttivvaktugut aulaqtrivigaluaptinut. Tadja ublumi apiqhuihimmaaktugut nutaanik 3000 iglukhanik ayukhautauqpiaktunut ihuaqhautikhainik inikhailiuqtunutlu akungangni Nunavunmi ilanganillu Kanatami, ilaууkhanik ihariagiyaууnunt angummatikhainik inuuriakhivallianiinut.

Ihuaqtut, itquruminaqtut naamayuniкlu manikhainik nutaanik iglukhanik angitqiyaniкlu ikayuutikhainik auladjutainut akiliutikhainik, pidjutikhainiklu Nunavut ihuatqiyaniк auladjutikhainut angiglivalliadjutikhainiklu uttiutihanut maniliurutihainik Nunavunmi. Manikhait hivituyumut upalungaiyautikhainik ikayuutauhunguyut pivalliadjutikhainut nuatqatigiiktut ihuatqiyaniкlu nunalaani ihuuringnaqtumik.

Hivitutqiyaniк upalungaiyautikhaliurutikhainik kiklikhat pipkaidjutiginiaqtat NHC-kut atuliglugit nutaanik qaritauyakkurutikhainik iglukhaliurutikhainik nappaqtirutikhainik muaqhидjutikhainiklu. Nunani havaktitauliqpaktut havaktaaktut ikitpiaktut amihuni nunani aviktuqhimayuni. Taimaitumik aturnikhainik iliuraidjutikhainiklu nutaanik atuqtakhaliuqtauhimayuniк piqutikainik igluqpakhanut iglunut ihuangittuq, amihuqpiani, inuqangittuq nunani ayuittuniк qauyimayuniкlu ayuikhaqhimayuniк qanuqtut munaqhидjutikhainik imatutluunniit ihuaqhailutiklu nutaanik piqutinikhainik igluni. Hivitutqiyaniк upalungaiyautikhaliugvikhainik atuqtakhainik, pivikhaqarviaktut uuktuqvikhanik havaakhanut iliharvikhainik inungnut ayuikhayumayut ayuikhatiakhimayuniкlu atuqtakhamingik hanaqidjutikhainut nutangutqiyaniк piqutikhainik igluqpangnut tadja atuqtauvaliqtuniк.

Hivurarnirmiutanit akhuuqtauplutik ihuaqhaitqiyiyut ikuumadjutikhainik ihuatqiyaniк uvaluunniit ihuatqiyaniкlu atuqtakhainik akiiqtqiyamik hanadjutanut akikhanik, uuktuquyauvaktut ihuariyaууnuniк kavamaliqutinit piyumayaууnuniк

naunayakhimaitumik maliktakhainik qauyihautikhanik Ukiuqtaqtumi idjuhiinut. NHC-kut nutaaq iglukhanut hananianut idjuhikhanik tamaita piqaqtut ihuaqpiaktunik pauwaqtuqpallaarnaittumik. NHC-kut havaqatigiyait allat havaqatikhatik ihuaqhautikhanik pauwatuutainut atuqtauyunik igluqaqtunut, ihumagiplugu hilaup idjuhianik amigainianiklu inuit amigaitpiaktut iglumiuaqqtigiiktut, pauwatuutainut atuqtainit mikiyuq. Iniqata NHC-kut ihuaqhigumikik iglukhanut ihariariyauyunik, ahiit naunaiyaihunguyugut qanuqtut Ihuaqtunik ikuumadjutikhanik ihuatqiyaniq qauyihautikhanik.

Ikitnirata pivalliadjutikhainik amihunik iglukhanut atuqtakhanik pittailitigivaktat Nunavunmi tamatkiutilimaitumik iglukhanik atayumik. Iglukhalliurutikhangit naunairutikhaqaqtut malrunnik: aipaani, nanminiqaqut; aipaani, iglukhailliuktut akunganilu, ikayuqtauyukhanik iglukhainik inmikkut munarilimaikhimayut inmingnik iglumiulimaikhimayunutlu.

Hivitutqiyaniq manikhanik ikayuutikhanik tuniyauniaktut ikayuutauhunguyut pivalliadjutikhainik iglukhalliurutikhangit ikayutikhaniklu ayuikhavikhainik havaktikhat ihariagiyauyunut ikayuqtauyukhanik iglukhainik, hivittutqiyaniqklul upalungaiyautikhaliugvikhanik Kavamangat Nunavut ihuatqiyamik naunaikhivikhanikihariahutainut Nunavunmiut, amihunik allatqiiktunik atuqtakhaliuriangini qanuritunik iglukhanik ihuatqiyaniq piyamingnik.

Ilihimaguyutit, qanutivaktut amihuiqtukhutik kavamatuqatkut ilauvaktut, ilauyutlu, qangutauvaktut uvani 2004 mi Inuit Iglukhainik Upallungaiyautighanut Pangnautit, maligaliuqtimit havariyauyukhaq ikayuutikhanik iglukhanut Kanatap ukiuqtaqtumi Nunaqaqqaahimayunut inungnut.

Akhuurutiginiaqtara hivituyumut manikhat qanuriliurutikhanik kavamatuqatkut kavamait ihuaqhautikhanik Nunavuttip iglukhailiurutanut akhurutauyukhaq. Katimaqatigiyavut Inuit timiuyut apiriyumaplugit uminga 2004 mi.

Taimatut uqaqqaqhunga, ihumatqungitagit imatut Kavamangat Nunavut ikhivavaktut utaqqiplotik iglukhanut ihuaqhautikhanik kavamatuqatkut kavamainit. GN-kut uuktuqhimmaakpaktut iliuraplutik angiyumik akituyunut manikhanik iglhaknut nappaktirutikhanik Nunavunmi, pinahuaqtakhatik hivitutquyaniq pinahualiqttut. NHC-kut hivuliqtuivaktut pingahunut uuktuutikhanik Kavamangat Nunavut pivalliadjutikhaniklu ihuaqpiaktunik naunaiyattiakhimayuniklu atuqtakhanik ihuaqhautikhanik aviktuqniata

igluKhailiurutanut. Piliqtugut tadjja iniqtiriPluta kinguliqpamik uuktuutikhanik uma, ikiklihinahuarutikhanik akikhainut iglukhat, amigairutikhaniklu iglukhat, naunaiyattiakrutikhaniklu iglukhanik ihariahutainik Nunavunmiut. Ihuarnirit uuktuutikhat, kihianik, aktuutauhunguyuq qanurinianit pinahuaqtainiklu kavamatuqatkut kavamait piyumayainiklu.

Quanaqqutin uqaqtinnangma

ublumi igluKhailiurutinut ayukhautauvaktunik Nunavunmi. Apiqqutikhaqaruffi kiuyunnaqtatka.